

皇清文穎續編

皇清文頴續編卷三十二

頌

臨雍講學頌

謹序

劉 墉

粵自圖膺少典闢四千載之文明暨啟

神京

釐五百年之制度讀書闕有間堯德難名教胄直而
溫虞官始重元圭旣錫則夏校聿興金德遞更
而殷序式闢逮乎文武遂創辟雍披水作宮定

一王之成憲旋邱爲璧開百代之鴻規欽惟我
皇上布化如神體

天同緯

深仁醴粹下洽翺螭飛動之情

至德光敷上擴覆載範圍之量謂皇春帝夏自共樂

其舒長必玉振金聲乃大宣其條理已安已治

作君作師伏覩

皇上時中聖人

古稀天子日升月恒山壽莫罄頌禱之辭天道地寶
人情俱玃熾昌之色慶

七十五齡之怙冒人樂春臺祝

萬六千歲之康強籌添海屋

受釐純懋錫祚延洪五十數日大衍屢盈掛揲之占
十九歲爲一章孰測紀元之積至於圖牒之所
未觀億兆之所臚歡

一德一堂

五福五代寰宇集千耆之瑞月正開六日之筵卿月
民星映丙曜而流暉彌吉東鵲西鰈隨寅杓而
入座皆春可謂不世之遭逢更荷無窮之

寵賚欣聯綺席瑞啟琅函昔分虎僕之抄已事而畢

今

勅龍威之護按部就班甲乙丙丁嚴貯六師之祕仗
淵源津溯恍流萬古之文河

綸綍頒恩

神人禔福庚郵徧德雖僻壤而皆周甲圻銜仁等
春華之來被臣聞有道之世獄瀆盡致其懷柔
明禋之誠牲璧並昭其肸鬻是以卿班奉

使儀秩告虔天風引香而雲巒翬豁煙厓讀嘏而
濤瀨清恬若夫康樂和親七葉有同居之族老
壽繁祉百年來扶杖之翁曾孫之子牽衣大父
之祖在室並摛

賚藻以著其嘉祥復煥

奎文以旌於綽楔此皆我

朝昇平之盛事而

聖治光被之淳休也重以

褒封實紳黻之至榮游息乃子矜之

渥惠霑雲靄靄白首含哺解雨蘇蘇丹書泐垢罔不

沐浴

帝澤涵泳

聖涯前爲子而後爲喁養乎鼓而軒乎舞矣迺者

天子考同文之治精復古之心以學校本推化理之
原則辟雍宜副於樂之實爰

命將作俾立堂榮謂其臺曰靈臺復有可樂之治與
乎水而上水原多不改之泉乃大有爲無小不
備遂以上丁之辰

親行釋奠之禮薦饌進牟

齋心辟容見知聞知於道同先聖

後聖其揆一卽於是日設

經筵

御講幄緝熙敬止則推闡五常行健自強則發揮四
德先覺覺世如風風人諸生親炙之餘若沂洙
而涉泗羣工跼聆之下忽披霧而覩天與古爲
徒於

帝其訓至於老更三五之云半屬賈鄭附會之見彼
桓榮之備位何所取裁卽永平之執經概從刪
斷此蓋我

皇上宸衷獨運因心卽妙於從心

聖諭綦嚴愛古不可以泥古者也

臣

忝掌銓衡夙承

教育目覩鎬京之盛心哦大雅之編愧贊誦之無能

願濯磨而自勵鳬趨素凜欣聞昕鼓之招葵向

誠殷敬繹園橋之聽

臣

無任踴躍歡抃拜手稽

首而爲頌曰

聖人御宇福備恩醲爰修至教環水築宮以習齒讓
以樂鼓鐘

躬行釋奠齋志儼容

躬親講學雨化風從自王諸臣以訖章逢罔不翼翼
罔不雍雍

聖人享祚大衍既付純嘏彌長莫測滋數

壽逾古稀

天體強固元氣彌綸卿雲布濩跼跼遊般般躋步
引養引恬以陶以鑄臣民自慶際此

龍遇

聖人多男五福備覃五福五代含飴分甘近時希有
往牒悉探庶賤僅見天室靡談厥由

盛德渾淪苞含參天貳地咸五登三頷雲撫初孔樂
且湛

聖人錫壽清問耆年

詔開酺宴以洽華顛邇始

宗潢遐逮朝鮮濟濟翼翼接踵摩肩拜

恩少府飽德長筵老人嬉遊懷葛之前

聖人考文博蒐羣籍千指屑螺萬溪裁璧浩如煙海
紛如朱碧逡巡歲事近若朝夕奎躔輝輝斗匡奕奕
虎觀石渠哂彼仄迫錦暉纘排長恩任劇
聖人如春吹萬皆新風和雨甘枯苗勾伸

帝有恩言如絲如綸如罇在衢如樂在均如燠斯室
如响斯親以協中外以和人神式歌且舞咸祝

皇宸

聖人重祀無遠弗咫嶽瀆秩崇公侯是視出雲見物

潤及千里瓣香自

天大僚簡俾往盡乃誠惟馨惟旨莫不效靈罔弗順軌

聖人在上天下大同皎皎元氣澹澹淳風七葉弗枿
惟和惟公如支附本如繭同功或壽曼羨有百年翁
曾孫抱子瓠肥犀豐榮懷之積德符之充熙熙皞皞
仰愜

宸衷

聖人牖民慎覈名實名賓實主實在賓謁伊昔建學
至今弗越號曰辟雍名存實逸壅水曰雍非沼曷室
挹彼注茲并養習吉澄之愈清用之不竭名實相副
主賓有秩億萬斯年絃歌講述

臨雍講學頌

謹序

翁方綱

臣竊惟

聖人之舉事也豈惟典制之一端而已實惟

道德之全

景運之隆

集社之崇而彙交合兼綜條貫而

建中和之極焉

臣

嘗考周人之詩曰於論鼓鐘於樂

辟雍釋之者曰言在辟雍中者感於中和之至

也禮王制曰天子曰辟雍釋之者曰辟雍所以
明和天下謂於此學中習學道藝使天下之人
皆明達諧和也周官注載古逸詩曰有昭辟雍
濟濟鏘鏘此皆專以成教育材之術言之而棫
樸旱麓皇矣諸篇始推本於壽考福祿篤慶錫
光之事行葦旣醉諸篇乃推闡於祈禱介景之
義至於魯頌思樂之篇始以永錫難老與采藻
采芣並稱然此特侯國之事又未究言其所以

致福之實也若夫箕子陳疇斂時五福是訓是
行厥義備矣而當時學校之中大昕鼓徵所以
躬親宣布天理民彝之則者載籍罕著焉欽惟
皇帝陛下紹

天闡繹法

祖勤民際

重熙累洽之盛宣

久道化成之光本

躬行實踐之經成

稽古右文之化皇哉翬奕可諸福之集備德之撰百
代之憲章六經之精蘊會極歸極以萃於千載
一時之

昌期也是以惟

古稀之聖人單厚集釐懋

大衍之純嘏而適有

五福五代同堂之慶惟

明倫行健之聖人有百司庶士園橋觀聽之

教澤而適有引年燕譽三千者考之譙惟

躬行錫極之聖人著五倫要道之訓至誠無息之教
而適有三老之

記千叟之

詩以及萬卷四部之藏事此皆不期而合不戒以孚
百嘉駢翕衆善徵實以集成

聖天子億萬無疆之茂祉況乎興器用幣之誠循名

核實之規行慶施惠之典敷

鴻藻以信景鑠被潤澤而大豐美是以祥靈應律春
膏澍濡普天喜氣周徧洋溢遂古以來殫究盛
儀罕能躋茲矣詩疏謂太平德洽嘉瑞畢臻頌
聲乃作臣竊繹春官成均樂德樂語之義敬陳
頌詞九章其詞曰

帝道粹精法

天至誠

聖教式閔

聖祐式疑萬福來膺萬祥來并久照光明久道化成
大衍瑞增叶于

乾行乙奮其榮已祉其亨庶物由庚庶彙休徵以臚
於茂承以耀於

升恒律度量衡秩敘均平燾怙羣生綜貫六經昭揭

日星玉振金聲

一章

聖人集釐作君作師建萬化之基彙乎

昌時

沛萬祐之宜萃於慶期五數純熙五福維祺五教繹
思五倫訓辭於樂典司於論在茲伊邃古于斯折衷
精微三雍攷稽箋疏會歸

皇極敷施

錫時保之

二章

禮經所紀東膠上庠乾坤之策叶合圓方六律七宿
八閩九房二十四氣五色中黃旁注四海其流湯湯

帝錫訓言名實典常

申命庀工規繩矩量度其陽陰率循

宮牆前太學之門後彝倫之堂虹橋星環璧池鏡光
恩波教澤澍滂洋洋宕宕

講殿屹乎中央

帝座正臨斗極輝煌天經地維煥乎文章是大學之
教至善所彰萬國朝宗滙此源長合千聖之心爲

一人之慶

三章

二月上丁夾鐘初奏維春宣氣百嘉罔茂

帝絜道光秩禮時懋魯壁金絲

孔庭俎豆

內頒彝器祕文刻鏤

體從周之志以副

饗侑箕虞編縣光燭列宿金鐘玉磬雅吹間造侃侃

闇闇一氣左右

聖心合揆穆乎來覲

道德精神一誠斯授大樂鏗錡香升燎標郁郁慶雲
垂蓋簷霤十鼓琳瑯相映篆籀古柏古槐祥光拱

壽雅頌之聲洋溢宇宙

四章

昔周人之制樂掌成均於中環水學興攸聞未聞學
記載訓言之申孰如

講義製自

躬親維昔周雅緝熙日新維昔易象健行日臻惟

聖合德本身徵民仁敬孝慈信

至德之純乾元亨利貞

至誠之神

躬行之實闡爲

大文庶官庶士觀聽莘莘昔拈章句今乃識真相勉
忠孝淑性敦倫以副

聖訓以答

昌辰豈第觀光鼓徵大昕萬化同源一氣

洪鈞

五章

宵衣旰食維

天之道恒久不已

久道化成聿輳上理民視民聽其體其性聰明者

天時憲者

聖敬愛旣至乃可

南巡車爲斗運

蹕爲璣旋宜遲而遲如星躔之移宜速而速如輿轉

轂大哉

聖言敬者敬

天奚必禪亭亭奚必封云云

登三咸五何躋言乎七十二君

明理頌第二

一事一理萬事一理合一散殊貫徹終始差之毫釐
謬以千里其惟

聖人自誠而明參贊化育與兩大同能事幾未來造
化無心更無微雲湛然太清及其既至神應故妙日

慶重逢皤皤三千環拜

宸楓上春六日閭闔瞳矐萬象長春和風沖融五老
之精如華如崧九老之瑞如柏如松國老庶老以次
相從耆老耄老以秩加隆

帝賚優渥霞蒸露濃綺筵玉杖瑤席金鐘

宮錦

奎章稠疊延洪輝煌煥爛千襲百重捧自

慶霄海嶠雲紅嵩呼合祝遊於

喜氣之中 七章

日月中天

帝文燾載羣經四庫合成瑞靄

至治光華膏渥沾漑

緝熙之孚宅中醺粹

健行之運元亨嘉會圖書總秘川流萬派折衷於

聖人

心源所彙胥自

躬行函茹薈萃

秘閣攸溯淵源津逮適符於

慶辰蕙成報最四部炳烺萬卷充備

道光協氣上合

天緯條理

集成溥暢乎無外

八章

道洽普天

上儀邁乎簡編元日

恩頒春和鬯宣氣浹人寰祐遍山川澤飫班聯潤沛
黎元哀對式虔弗祿式延瓊羹聯翩來集豆籩

錫慶逾蕃

錫瑞逾駢祥風四扇符叶台躔珠瑩露溥玉蔭芝田
年豐日暄海澄鏡圓

介祉益繁八表同歡暢垓源埏於億萬年

九章

皇上八旬萬壽頌

謹序

孫士毅

臣

謹案河圖天地之數皆五五位得合積五十有五其間八卦成列積八八而重之象在中爻亦在中生生不已合萬有一千五百二十極之於無盡之數洛書錫禹是曰洪範以皇極爲統自三至五五居中自九至五五居中五行推五紀皇極建焉三德推五福皇極行焉保極之道疇次五基之錫極之祥疇次九演之疇主五而

虛十環以七八九六參互成十棣通河圖而圖
之數與位亦至十而合若五若十迺河洛一氣
之運所由軼軼元化諧變萬彙至誠之德之純
於穆不已者也今

皇上龍集五十五年協天地之紀上章八月恭遇
萬壽八旬又符八八引伸之義旬慶逢十紀年逢五
五五遞生八八載積貞元之會盛矣延洪之義
羨矣京垓億兆孰得而涯際哉亮哉生民萬萬

世未之有也稽古攝提合維世統始肇天地皇
合萬八千人皇合四萬五千六百金天高陽高
辛喬齡表炳平陽在位百載三代後諸帝大年
至七十者六八十者三其可稱僅一而慶祚未
臻焉我

皇上懋景運迓鴻釐貫三才緝萬禩

五福五代一堂駢慶斗樞虹渚迴邁疇曩匪直風雨
玉燭七政聯珠以侈敝瑞符也必將三靈集祉

有開無窮以福中外以鞏磐石煌煌乎仰承

昊貺皎皎穆穆泰元富媼之神監民視聽協于克一

配命無斁云時乃山鎮敦艮河榮海靖膏醴蒸

麻布漚而不韞韞兆人熙春於臺黎耆樂綏乎

宇穰元孫者二百家杖期頤者數百姓嘉宴之

集三千叟合爨之居一十世萬邦屢豐之懿慶

三男並孿之上祥鬯沂旁魄邇游遐泳協氣所

演隨物斯見冬栢仙蜨晨曳佛帔俶儻謫詭之

端不經聞覩以謂盡信書不如無書爾加以

仁風波溢義聲颺騰四海若庭八紘在闔曩者準回
部暨僭拉促浸埽霧犁庭販章恢拓凡沙度繩
行以梯以航以其職來貢矣臺畔弗靖蕭斧是
膏生番觭觭效命南交繼絕弗佑弗助小邦新
造偕朝鮮暹羅緬甸南掌諸遠裔匍伏萬里喁
喁嚮化衛藏通譯頂經膜拜職方氏之掌典屬
國之司雲鵜波鯨王會元正式燕奏樂若斯之

烈翕翕焉習習焉樹領蛾伏內面稽首曰中國
有

聖人依光末處竊比罔隸維

皇萬有千歲緝熙迪介光天之下夙哉禕而三五六
經載籍之博能仞佛

盛典所紀哉然我

皇上淵居沖懿德讓抑如天數二十有五得

位踐阼斯今

八旬甲子日富疑命勅幾若一日二日

申念天人相與之微在洪範八庶徵

篆寶念勤劬茲景福而兢兢於乾九三日夕惕厲之
旨乾德剛健純粹以是自強不息作對

鴻佑寅纘

駿烈敷文奮武勤政愛民量涵海以并包治養春而
煦燠故能合撰兩儀阜時九瀛虞后四得以壽
登之福源之總備焉皇極之建驗焉夫道德淵

富水流風偃崇教也治之辟雖以式之赫聲肆
聞蔚炳用光銘勲也修之石鼓以襲之澤古肄
雅效珍黌序興學也放之鎮迪興桓以洽之耄
耆篤志宣榮稽古錫羨也釐之科名官秩以引
之著作宏達書林校祕攷莼也二京與南甸度
之縑素爛如六籍極博籲俊也兩闡與下庠廣
置之茹茅釋如多士交藹王道以之由庚羣生
以之奄茂月正元吉雲需燕衎

天言渙頒維正歲供普四方而蠲之茲次四焉滋液
滲漉

湛恩龐鴻灌歌溢乎蔀屋忭舞暨乎邊徼赫然降布
恩詔覃慶舉典祥習省方猗那於穆

軒臺展敬青旗倉輅

駕至於岱宗戔戔

尼邱舍菜若幣震耀哉上儀八九遙迹金泥玉檢
靡而不典曾何足云哉人第知蟠際熙洽知周

道濟率邇逖聽薰蒸透徹野吹簫而娛邪俗
施含哺而戴

堯天百祥扇於四和千聖合於一範抑如秉

睿思之勤恊運

健行之強固

正位凝命貞元迴環萬化根柢以是禔福頤吉蓋福
量若此之豐也月南呂之秋仲當觜觿之旦中
角宿在辰壽星躔次天文志老人一星在弧南

秋分見丙則治平主壽昌夫

君象惟日

聖誕八旬之期在壽星八月之次協應苞符孕精圖
書宰疇之五推圖之十衍天地五十五神策以
至萬有一千五百二十伏誦庚子春

御製詩五位輪年十必遇十成紀

歲五常并自庚至庚又浹旬數將部與紀相乘而

洪算莫或概量已

臣渥被

寵遇叨侍

禁近又重承

簡畀保釐兩江力小任重滋懼鼎餽禱昧不文不足
雍容掄揚萬之一伏仰

皇上天縱睿知日新問學定禮制樂匪述伊作宣闡
治功彪炳萬古至如

勅幾餘暇

詩成五集

文成二集

古稀五福有說

入徵耄念之寶有記洪範有論所以究時幾正旨推

德福大原發株擢與日光月回繫象典謨有若

斯精粹者與臣一辭莫贊竊念鄙依霄漢所懷

不申滋抱內疚爰殫忱竭慮綜苞元斂福之義
冀以窺

盛德之形容作頌九章章十六句謹拜手稽首以獻

其辭曰

天無私親親我

聖清白山綠江仙果孕靈豐鎬配

命攸暨宅京政治道治曰時泰平我

皇樂

天而敬旦明惟敬日強與

天健行堦垣刻施

裡柴迄成必

躬昭事載契無聲

一章

天眷是常

前光普護作求

世德有秩多祐於鑠顯承

謨烈丕敘

皇祖穀詒懷輯九土

聖惟勤止昭哉繩

武宥密緝熙奠茲區宇

訓錄尋紬愾乎聞睹匪直禘嘗

清廟設虞

二章

惟時惟幾惟日孜孜大書無逸曰民是依於

皇涖政弗倦堯期

批章宵永

召對晷移

巡河視海省方以時今仲春月

登岱受釐陰陽寒燠庶徵勤思執兩用中庶績懋熙

三章

恩思汪濊亮哉徧德廣廈細旃循度萬國

皇心乎民民安粒食籽種屢貸賑粟屢飭三壤正供
與民休息一二三四分年分域緩急曲籌豐稔黍稷
老忸童歌忘

帝之力

四章

堯文文思遵養

重華器服甄鑑鐘磬樅牙彬彬禮樂訖乎流沙摘藻

自

天光燭五車典謨雅頌匪直竒葩辟雍環海石鼓蒸霞玉府璧府津溯何涯穆哉敷

教浹邇孚遐

五章

德威懾稜不難不竦允塞

皇猷九垓雷動式廓疆圉祁連卽籠南甸踰奔西番騰踴海灣波戢交趾星拱羔跪稱觥載沐

天寵靡不率從欵關接踵

至德之光

至仁之勇 六章

率土尊親物睹

聖作聰明睿知有臨式廓維

生安性而勉而學五事五常五德蘊璞與時運行煥
若蔚若若淵靜深若天溥博史贊堯欽顏仰孔卓亶
時卬瞻

仁壽知樂 七章

圖書表裏五五貞符以十成之

福徵聖謨

八十萬壽運協璿樞

五代麟祥於堂之阿羲軒逮茲

延洪孰如開韶醺胥渥逾賜醑式頒

恩綍覃洽九區博厚高明悠久與俱

八章

福首尊壽大德必得德無定名

皇懋主極孔闡仁者姬銘恭則於

皇澤思自

天平格惟曰

念毫寧論戒抑三皇叶運六帝掩迹是繩

皇祖時萬時億

臣

臚歡聲敬播樂職

九章

皇上八旬萬壽頌

謹序

陸錫熊

臣

聞碧盧首出億齡儲玉券之華龍岳時乘兩
大配雲章之治握巨象而體太極撰合神元調
鴻氣而受真符權操法攬蒼牙推策衍八八於
河圖元律通微乘五五於歲紀枋成鴻之沕穆
寶籙天齊邁比翼之真淳旋支轂轉斯則紀鳳
蜚麟之后尙遜陳樞戴干荷勝之君猶慙凝化
卓蹤冠德事尠前聞流祚延期道光司契者已

欽惟

皇帝陛下體乾廣運履泰重熙瑤光彰紫炁之祥星
虹沓彩琦表應赤圖之瑞雲日騰輝九五陳疇
富壽與康寧並嚮八千紀牒春秋偕元會俱長
大同廓無外之模時雍風動諸福際畢臻之盛
山輦川增惟凝承顧諟之本於

一心知保右命申之必歸

大德粵自

七旬初介爲宮之

謙德彌彰當夫四海來同率土之殷情未展仰穹蒼
而愈峻莫窺一氣之旋望瀛渤以增寬但見萬
流之赴畧舉十年爲斷用徵百福之同爾其蒼
璧黃琮歲承

嚴祀蠶鼓靈鼓

躬致精禋節

登降之縟儀禮時爲大薦馨香之

至德誠壹則孚義取乘陽

祈歲定首春之制職勤抱蜀按年秩

中祀之文繩

大烈以仔肩

實錄則排晨遞閱衣

德言以垂訓

前謨則敬告毋忘成

方畧於瑯編善述盡

觀揚之義繪

鴻勳於寶帙赫聲昭震疊之威選粹質以鏤

徽稱產惟德致紀土風而懷故俗物識心臧至若

心乾惕以敕幾

躬旰宵而明作過推已往微彰慎劼毖之思得戒無

形遲速闡敬明之義總綱維而在握

無逸精勤運樞斗以

居尊有常悠久延對不遺疏逖

三
三
諮詢而觀聽咸周奏章靡間營園

批覽而隱微洞燭開物成務四方仰綸綍之宣彰往
察來萬里等戶庭之視

省方展義奠海

觀河籌樂利於窮檐爲民勤駕靖波濤於澤國法
祖時巡

升泰岱者三

歲澤春敷於閭閻禮臺懷者四瑞光宵見於金容湛

汪暢津淀西東補助徧郊圻遠近

屬車所過給復頻仍

行殿纔容增華勿事

蹕未啟而先頒賚帑澤普汜而尤重高年若乃承
家法以詰戎順天行而

命獮鍾峯夏靜迎涼鳴古塞之鞭蘭鐙秋清

講武肅永安之駕驟飛龍於峻坂壹發雙連忖伏虎
於深叢洞胸達腋歡聲雷動抃表貉之名藩武

節飈馳作期門之勇氣況復

大文淵富

聖製日新機運天成象鴻鈞之有宰毫揮電速綴麟
管以無停

篇章綜性道之全始甲乙而兩編已具

吟咏括治平之要至癸卯而四集先成燦

寶墨之騰騫上規義畫妙化工之點染時有幽圖集

美富於大成百家海滙廣流傳於中秘

七閤星羅琳瑯珍鑑古之儲璧合獨尊萃室茗華
富傳真之刻金生並耀周廊創

經殿於園橋四門敞闢集新篇於古籀十鼓重排若
夫丕振

天聲重申軍律

燭先幾於萬里

密諭遄馳

握成算於三霄方行克詰掃番回之遺孽一隅梟獍

胥穢蕩海島之邪氛兩路渠魁盡縛告武成者
九安民和衆以爲懷奉無私者三罰罪賞功之
必當覈名糧於伍額餉足兵增養廉節於師貞
祿優軍實豈僅準回兩部豐占鱗蚶之屯衛拉
全疆遠備雁臣之列金川土宇作我邊封玉壘
兵戈銷爲農器而已爾乃

堂開五福

璿題增

詒燕之光

寶篆八徵玉筋繼

古稀之刻人二千而

錫爵肆筵則行葦

恩隆

世十一以

命名衍澤則振麟慶洽啟

彤庭之曳宴杖鄉杖國杖朝開

曼壽之儒科賜第賜銜賜舉兆繁昌於比戶見元孫
者二百家躋仁壽於寰區逾期歲者千百計居
同十世奚九世之堪誇乳報四男豈三男之足
擬

昌祺習應協氣旁流於時兆叶橫庚星明見丙
袞八旬而介景

治五紀以方隆慶肇履端六合暢訢閭之氣

恩覃寰寓三元宣浩蕩之仁值四國之來庭驩臚海

外正十行之布告春盜區中按年而遞復者三
輸將普免

曠典實於今而四溥率均霑則有百餘旗蒙古名王
一二萬里新疆屬部高句驪之舊壤暹羅斛之故
封南掌遐陬中山絕島洮河之宣慰趨拉之土
司測海占風舊隸職方之籍棧山軼漠來同王
會之圖復有地偏藏徼允納貢而輸忱社隔屋
鰲助擒渠而效順緬甸感戢戈之

德請封而厥使重來安南銜苴土之

恩祝嘏而其王自至斯並居隣荒極黃軒之所未臣
境處幽遐章亥之所未步走軍前而遮訴永作
邊氓掎逆首以成俘願同內服竒花巨象隨鏤
表以通誠綠綬金駟進

彤墀而謁

聖於是桂宮氣爽蘭塞秋高霄明玉燭之符日在壽
星之次

龍旂拂漢順蹕路以言旋鳳蓋翔風望

御園而莅止四方民大和會駢肩翬華祝之忱萬
邦來效享王鞶舌輳明堂之位溢閭閻之喜氣
邑誦塗歌萃川岳之貢珍山車澤馬踴躍在列
無疆介

萬壽之祺

穆穆以臨有慶同兆民之豫斯實唐虞以後絜景福
而誰儔義昊以前較隆儀而莫匹者矣

臣猥以

蕪學鴈被

殊恩奉職七閩快覩菁莪之盛紬書四庫幸依奎壁
之光爇藜自愧多疎鉛槧昧形聲之別掃葉尙
容補過縹緲緇緇澗之間瞻

王氣於大東來從

天府拱

辰居於極北祝效華封謹拜手稽首獻頌曰

白嶽凝祥黃樞啟

聖天漢源崇樽桑旭映萬福攸同億齡際盛

上下五代鳥奕蕃慶

一章

郅隆五紀延洪

入旬體元惟健恭已以寅仰承

家法上憲

穹旻不震不動之德之純

二章

知徹微彰

道兼創守蕩蕩難名乾乾可久金鏡高懸珠鈐在手

文德函三

武功告九 三章

翁河宴海析津岱宗

六巡江浙

四詣岐豐塞敗控轡而獵轡弓負嵎洞脇鉞險通中
四章

本身律度規天制作

寶冊瓊瑤鳴球鐘鐃園水流雍全詩譜樂庶績允釐

理大物博

五章

如保赤子不遺一夫歲有蠲貸戶免征輸四三丁賦

萬億漕租龐鴻

澤沛渙汗春敷

六章

萬壽維祺四方來賀東極諾羅西通歐邏北戶朝裾

朔溟貢馭共辰於中萊幣自左

七章

時寒時燠日雨日暘中宵竚報未旦

詢章麻徵叶應

睿念其獲

耄勤誌盛

寶璽用光

八章

景福既崇太和洋溢霽霽流虹曠曠瑞日匝地騰歡

自

天佑吉

純嘏爾常所其無逸

九章

日從虞夏上溯軒義德功疇儷福祉疇儀京垓衍筭

元會旋支

治億萬載煥乎巍巍

十章

御製重排太學石鼓文字頌

趙佑

於穆

聖清萬年篤祐我

皇秉德允文允武以牧寧萬方俾緝熙于純嘏士安
其絃農服厥土勞無鴻雁怨無祈父覃及荒遐無拂
無侮小大稽首曰依

壽宇惟

仁壽康惟

壽仁溥

皇建有極斂時福五旣臻

大年猶戒晏處動而勅幾靜以稽古夏鼎商盤經圖
史譜粵周宣王號中興王崧高江漢方召申甫纘戎
行狩東西畿輔旣好旣阜我車我馬左右便便赤芾
在股繹絡輻輳紘紼袞黼芟蘭纏葛于敷于圃上殺
中殺儻儻麇麇或貫之柳或麗于罟以充大庖以奉
碩俎式燕且譽前歌後舞史臣珥筆莫罄醜縷始變

科斗用揚干羽礬石取員勒形應矩章配二雅數垂
十鼓歷秦漢魏載踰典午日銷月鑠越在草莽誰與
撫呵幸逃確礎韓愈有作詞雄思苦歐蘇因之寶茲
篆祖南北更代刻鏤褒補置翼序前允圖書府小儒
好議謬相乖迂點竄塗改難更僕數

帝曰咈哉予其玉女載闢垣楹攸除風雨式是煌煌
貽方楚楚何陳不新何廢不舉迺斥糾紛迺申緝組
自甲至癸單復參伍六畫重義九疇演禹釐爲十章

弁以

大序文仍籀遺意綜毛詁規同典謨集異陶杜於樂
辟雍暨熱河許穆穆戟門踰踰樅盧雲漢並昭奎壁
斯聚寫之盈車觀者如堵旣廣

訓行更宏

錫予號編卷別內外以普翼軫之分豫章之浦

小臣

何人分榮偃僂快讀細覲噤不敢語洪惟

聖圖無逸作所有大彌謙靡善不取千古文章於斯

爲鉅上掩周京下昭來許敬效唐颺聲慚瓦甃

大德受命頌

謹序

彭元瑞

維

天維

祖宗以大寶命眷貽我

太上皇帝躬膺多福

御寓六十年茂舉

授受上儀苞符彰應三五揆一由前言之升香默告

述

祖讓善禹謨之志先定也由今言之合德久道統元

環會文言之天弗違也

躬致邳治國祥家慶箕疇之斂福也

手付鴻業

傳心

訓政虞書之執中也名正言順

燕翼萬世孟子之爲天下得人也以年運則成周以

來所莫轅以傳授則伊耆之禪猶未盛際茲萬

古一會咸欲有所詠歌誤述以張閔庠揚偉烈
而茲事體大辭尙體要且

內聖外王之治法道法顯著於億兆人之耳目淪浹
於數十年之心髓而

聖超於千萬端之言思擬議固有宥密不能仰窺言
動不能悉記臚細目則思或遺舉大端又虞辭
當者又況繼此

發政施仁敬承於問

安侍膳者億萬年方未有艾也

臣

竊惟中庸論舜位

祿名壽之四得蓋聖人之極致矣

御製四得論闡析至理苞括無遺義足以擴聖言理
足以範萬世而於大德受命一語歆然不以自
居蓋

聖德之謙立言之至卽今之却

尊號猶此志也

臣

愚以爲大德受命惟我

太上皇帝足以當之舉凡

勤政愛民文德武功皆大德之發也

高壽備福遇甲授受皆受命之隆也自堯舜以來二

十三史之紀載如

御製詩所云百王誰不爲天子者惟於今身親見之

有其命之必其能受之始信

大德之自有真也

臣伏讀

四得論一則曰

天地之所命

祖宗之所授再則曰

天地默佑

祖宗延禧懿鑠乎我

太上皇帝之受命受之自

天受之自

聖祖

世宗至於能篤

祜能觀

光揚

烈則惟大德九五福之四曰德五曰命由

五福之全源

四得之始中庸洪範貫通之蘊也

臣

敬推測其昭灼

顯晰信而有徵者誤頌二章以期繹

御論之微旨且以見子思子所述能得聖人之意文

辭無陋懼未足以發明而見

聖證實易任慶幸頌曰

昊天有成命昭融於穆鑒觀在下唯有德是屬建元

以來十有八姓紀號三百廿

恭據三元甲子
萬年書所載我

大清

肇基顯揭

天命萬世靈長

五朝神聖

皇則受之克臻萬全景運綿延週

六十年維

天所命篤生

聖人中立兩聖文寅武辰

周文王生於庚寅
武王生於壬辰維

天所命初元有永計期三聖堯辰舜禹丙

堯元年甲辰
舜元年

丙戌禹元

年丙子

飛龍御天薦以馨香日旦日明告於

穹蒼善則歸親維

祖是法遑敢多餘維愍週甲

廿五

八六軒齡積遞純常引翼早司其契稽堯祚唐首基
廿歲舜典升聞三十在位武王末受文王中身六帝
七袞三帝八旬卽阼遲早闕年久遠三古以來孰能
操券若有前知握籙膺圖真可後期符望遂初

泰定者宇清明在躬

天乃命之來同來崇信

天

主人信以所受每當舉事輒邀

純佑我武維揚我戰則克誰能甘五人一接而獲發
自崇武達於鹿仔誰能飛捷一日千里順

天之道知幾其神誰詔班師而徠躬親順

天之時和席行兵誰度青海而冬不冰二萬里歸順
土扈非遙二十年赦罪朱波遂朝

天實命之匪棘匪招全書七閣梵經重譯

六旬謀始十年藏役

天實命之時與會值淮浦香升中州河復

天於感翕若不違卜太常仙蝶妙應吉帛

天彰瑞應

聖惟尚德遇大朝祭及大慶典曠盥昕昃氣和風善
陰則告霽暝則禱雨應念隨期用臻綏屢以至於昨
年九州豐登秋雲被隴冬雪徧塍百順之謂福以告
厥成欽若夙夜

言必稱

天篆寶六言述事百篇

大祀六十歲

親燔臠

祈穀五十有八

常雩三十有九子於父母報則何有維

躬禋致虔用答所受維

天祐

聖呼吸景響維

聖補

天裁成輔相行與事示命之諄諄仲舒有言必驗於
人頌曰日監雅曰帝省

太上皇帝大德受

天之命

右頌一

懿我

聖祖文武聖神造丕丕基欲至于萬年

世德作求猷衍麟振黃帝之子得姓者二十五人維

世宗宣重光維

太上皇帝契聖真星暉海潤握符闡珍維時

賜居卽圓明園有牡丹臺寶鏤月開雲日吉辰良晉

膳怡

顏堯舜在庭天地皆春奉

天一笑以

御名聞越昔李唐一殿三天子崇高富貴徒聞夸美
詎若茲日邺隆極盛以

天承

天維

聖知

聖萬年國脈萬世民命永開太平得大居正爰邀

慈眷鞠育宮中爰

篤摯愛塞彌秋從山莊避暑萬壑松風今鑑始齋蒙

養

聖功讀

示大義書窺

心畫食則含飴行則扶策宴叟髫陪

披章硯側親藩誨穀期門觀射羊縛壹發鵠穿連下
垂矢和弓趨

庭親炙

彰武煥文皆時雨化永安萃喀射熊

命肄初狩吉祥萬靈擁衛

誠精故明有開必先

福過於

予顧笑而言粵稽

仁皇如天福備賢於堯舜峻命不易仰維

崇德

躬不逮事

皇親見者上下七世耆年不知

詩以自道

皇守禮經恒不稱老昔紀

堯年未越七旬今

壽望九億萬重輪昔名永字未見元孫今堂五代佇
衍來鼎

四集昭垂典謨雅頌

詩六

文三今餘充棟黼黻梗化衛拉四部今剡而順悉臣
蒙古聲教西被衛藏來賓今

威神力龍象皆馴表勒

皇輿曠邈版圖今擴三萬里廓喀痕都而臧而富今

七百億羨

帑數

而昌而熾今三千萬萬

民數

保世滋大實逾厥初七十五年

聖握其符於皇

世宗繼軒開項敬遵

家法昭哉嗣服密緘

書名仰度乾清法宮

璇題正大光明

天道高遠

天心繫屬定省恒經獨邀

賜肉但飫膏饗莫辨名族是年

初元先日

祈穀蘭栗告潔房俎進熟拜登吉胙佐餼郊犢

薦

舜於

天祭則受福當日未知後來方悟

大業斯授

皇天既付每遣恭代

郊禋

社旅震守七鬯以爲祭主溯初

錫封取諸嘉號千祥萬福獨

貽大寶

賜以虹帶九圍是式正位居體明黃正色

賜以智珠負荷肩仔有文四字萬年爲期昨始

宣示重華敬奉軒轅弓劍公劉禪璠禹圭文琴銘藏
櫝鞏世世萬子孫斬永保用汝陟帝位汝陟元后
命之昭昭

恩佑

永佑受於文祖受於神宗兩揭

紀

恩於莊於宮宸誦

實錄日秉成模樂府金石全韻簡觚美彰盛傳告天

下後世

言必稱

先詩歌

訓示亶父傳季以及於文後人之論第想當然

恭本

御製紀

恩堂記

翦商徒志侯封未遷詎足比擬

聖

聖相傳乙卯仲春上丁茶釋禮成衆侍辟雍正席對

師門牆述

祖功德堯典三萬周頌三什聰聽毋忘

緒

續勲集乙卯嘉平丙午

大裕徧

詣

九室

升香仰答

康強從容恪申敬洽上告考成不負

先業佑啟垂裕下

示萬葉受天下者必告所從受堯知舜禹三聖先後

蔡沈集傳引

蘇氏之說

紀元週甲授受禮成有

命全副欲報猶羸凝攄襲祐兆秣垓京頌曰昌後雅

曰篤慶

太上皇帝大德受

祖

宗之命

右頌二